

Ո՞Վ ԷՐ ԳՐԻԳՈՐ ԼՈՒՍԱՎՈՐԶԻՆ ՉԱՐՉԱՐՈՂԸ
(Տրդատ Արշակունցին, Թե՞ Ներսէս Սասանյանը)

ՍԱՐԳԻՍ ՊԵՏՐՈՍՅԱՆ

Արտաշատում գնդան նետուած Գրիգոր Լուսավորչի կրած բոլոր տառապանքները Ագաթանգեղոսի երկի առաջաբանում համարվում են «երկպատական բռնութեան» հետեանք¹: «Նոր հայկազյան բառարանը» երկպատական բառին վերագրում է այսպիսի իմաստներ. «Կամ է որպէս երկպատիկ, եւ կամ յերկուց կողմանց պատօղ, պատեալ»²: «Երկպատական բռնութեանն» ևս մեկ անգամ հանդիպում ենք Կորյունի «Վարք Մաշտոցի» երկում: Այս դեպքում դրան տրվել է «կրկնակի, երկու կերպ բռնութիւն»³: «Րստ հոգւոյ եւ ըստ մարմնոյ» բացատրութիւնը⁴: Մեր կարծիքով երկպատական բռնութիւնը նշանակում է «զրադաշտական բռնութիւն», իսկ երկպատական-ը եղել է զրադաշտականութեան՝ որպէս երկարմատյա (դուալիստական) կրոնի, հեգնական անվանումը (երկ-պատ-ական բառի մեջ առկա պատ-ը արմատն է նաև պատառ բառի, որից՝ պատառել «ճեղքել»)՝ Մեսրոպ Մաշտոցի աշակերտ Հովհաննիս վերաբերող իր հիշյալ վկայութեան մեջ Կորյունը գրում է. «Որում դեպ լինէր յետ վախճանի սրբոյն, բազում եւ ազգի փորձութեանց եւ կապանաւոր վշտաց, մենամարտիկ երկպատական բռնութեանն, ի Տիգրոն քաղաքի վասն Քրիստոսի յաղթութեամբ տարեալ համբերեաց. վասն որոյ եւ զխոստովանողական անուն ժառանգեաց, ի նոյն վերակացութիւնն դառնայր յերկիրն Հայոց»⁵: Բայց նրանից շատ առաջ, ըստ Ագաթանգեղոսի, Գրիգոր Լուսավորչին էր, որ «երկպատական բռնութեան» դեմ «մենակուր մենամարտիկ» էր եղել և «վասն Քրիստոսի յաղթութեամբ տարեալ, որոյ զվկայ անուն ժառանգեալ, որ ի մահ հասեալ մտեալ, եւ կամօքն Աստուծոյ այսրէն դարձեալ՝ ի վերակացութիւն դառնայր յերկիրս Հայոց»⁶:

Եթե հավատ ընծայենք Ագաթանգեղոսի երկի հիմնական մասից եկող ավանդույթին, ապա «երկպատական բռնութեան» աղբյուր համարելու ենք Տրդատ III թագավորին: Բայց Տրդատը ոչ միայն զրադաշտական չէր, այլև այդ կրոնի ջատագով Սասանյան արքայատոհմի երգվյալ թշնամին

1 Ագաթանգեղայ պատմութիւն Հայոց, քննական բնագիրը Գ. Տեր-Մկրտչյանի և Ս. Կանայանի. Երևան, 1983 (այսուհետև Ա գ ա թ ա ն գ ե ղ ո ս, 13):

2 Նոր բառգիրք հայկազեան լեզուի(այսուհետև ՆԲՀ). Հ. Ա. Երևան, 1979, էջ 699:

3 Կ ո Ր Ի Լ Ն. Վարք Մաշտոցի, բնագիրը ձեռագրական ընթերցվածներով, թարգմանութեամբ, առաջաբանով և ծանոթագրութիւններով ի ձեռն պրոֆ. դ-ր Մանուկ Աբեղյանի. Երևան, 1941, էջ 97, ծան. 3:

4 Պատ արմատն է պարունակում նաև պատիճ բառը (պատիճ «պատ- իճ հմմտ. լու՛իճ, կա՛- իճ, պատաղ-իճ): Այս բառը գործածվում է նշելու համար «մի քանի բույսերի պտայանը, որի մեջ ամփոփվում են պտուղները»՝ մասնավորապէս լոբու, բակլայի և ակացիայի սերմերը պարունակող երկփեղկ պտայանները (Ս տ. Մ ա լ ի ս ա ս յ ա ն ց. Հայերեն բացատրական բառարան. Հ. 4, Երևան, 1945, էջ 63):

5 Կ ո Ր Ի Լ Ն. նշվ. աշխ., ի է:

6 Ա գ ա թ ա ն գ ե ղ ո ս, 13:

էլ: Ըստ այսմ, բացառված է նրա «երպաստական բռնութեան» աղբյուրը լինելու հանգամանքը: Պատահական չէ, որ Ագաթանգեղոսի երկի առաջաբանից բերված հիշյալ հատվածը ոչ մի խոսք չի ասում Տրդատ թագավորի և Գրիգոր Լուսավորչի առճակատման մասին, իսկ նույն այդ հատվածի պարբերությունն ավարտվում է Տրդատ III-ի փառաբանությամբ. «Իսկ բարեցապարտն Տրդատ յանկարծակու՛մ կենացն ասպնջական ցանկալի ամենեցուն լինէր, որ աշխարհածնունդ հայրենեացն որդի գտանէր շնորհօք Աստուծոյ, եւ յաւիտենական կենացն մերձաւոր լինէր»: Ուրեմն, «երկպատական բռնութեան» աղբյուրը որոնելու ենք Տրդատ III-ին հայոց գահի վրա նախորդած այն անձանց մեջ, որոնք Սասանյան արքայատոհմի ներկայացուցիչներն էին՝ պարսիկ զրադաշտականներ:

261 թ. գահընկեց արված հայոց թագավոր Արտավազդ V-ից (մեկ այլ կարծիքի համաձայն, Հայաստանի կառավարիչ Արտավազդ Մանդակունուց)⁸ հետո հայոց գահին բազմել են Սասանյան երեք արքայազուններ՝ Որմիղդ-Արտաշիրը, Որմիղդակը և Ներսեսը⁹: Սրանցից առաջինն ու երրորդը հետագայում դարձել են Սասանյան Իրանի արքայից արքաներ: Հայտնի է, որ 226թ. տեղի ունեցած գահակալական փոփոխությամբ Իրանում վերացավ կրոնական հանդուրժողականությունը և երկրի պետական կրոն հռչակվեց զրադաշտականությունը: Այն պարտադրվում էր ոչ միայն բուն Իրանի քաղաքացիներին, այլև Սասանյանների նվաճած կամ ենթակա երկրների բնակչությունը: Մասնավորապես Հայաստանում Սասանյան գահակալների «Հայոց մեծ թագավորներին», նպատակը հայերին ու Հայաստանը զրադաշտական դարձնելն էր: Այդ ճանապարհին կանգնած յուրաքանչյուր գաղափարական խոչընդոտ և նրա ջատագույններին Սասանյանները պատրաստ էին վերացնելու՝ լինելով զա հայկական հեթանոսությունն ու հեթանոս հայերը, թե քրիստոնեությունն ու քրիստոնյա հայերը: Սասանյան պետությունը հոգևոր առաջնորդ մոգպետ Կարտիրը իր արձանագրություններում պարծենում է, որ ատրուշաններ է հիմնել և մոգերի համայնքներ ստեղծել Սասանյան արքաներին պատկանող Երան // Իրան և Անեբան// «Ոչ Իրան» երկրներում: Վերջիններիս մեջ էին թե՛ Հայաստանը, թե՛ նրա հարևան երկրները՝ Բաղասականը, Աղվանքը, Վիրքը, Ասորիքը, Կիլիկիան, Կապադովկիան: Նա պատմում է, թե ինչ դաժան հալածանքների է ենթարկել հրեաներին, բուդդայականներին, հինդուիստներին, նազարեացիներին և մյուս քրիստոնյաներին՝ կործանելով նրանց կենտրոնները, իսկ նրանց դատապարտելով աքսորի ու մահվան¹⁰:

Մեր պատմահայրը հաղորդում է, որ «զանդրիսն զոր արար Վաղարշակ պատկեր իւրոց նախնեացն հանդերձ Արեգակամբ եւ Լուսնիւ յԱրմաւիր, եւ փոխեցան յԱրմաւրայ ի Բագարան եւ դարձեալ յԱրտաշատ՝ գայնոսիկ փշրէ Արտաշիր»¹¹: Խոսքն անկասկած հեթանոս հայերի պաշտած Արեգակ//Տիր//Ապոլոն և Լուսին// Անահիտ//Արտեմիս աստվածությունների կուռքե-

⁷ Նույն տեղում:

⁸ Ղ. Ա ի չ ա ն. Արարատ. Բնաշխարհ Հայաստանեայց. Վենետիկ, 1980, էջ 374:

⁹ Հայ ժողովրդի պատմություն (այսուհետև՝ ՀԺՊ). հ. 2, Երևան, 1984, էջ 49:

¹⁰ P. Ф р а й. Наследие Ирана. М., 1972, с. 165, 302; В. Г. Л у к о н и н.

Культура Сасанидского Ирана. М., 1969, с. 87.

¹¹ Մովսիսի ինքննացույ պատմութիւն Հայոց, քննական բնագիրը Մ. Աբեղյանի և Ս. Հարությունյանի. Երևան, 1981 (այսուհետև՝ Խ ո Ր Ե Ն Ա Յ Ի):

րի մասին է¹², որոնց ոչնչացումը տեղի է ունեցել Որմիզդ-Արտաշիրի օրոք¹³: Բնականաբար, զրադաշտական այս արքան ոչնչացնելու էր ոչ միայն այս աստվածությունների կուռքերը, այլև կործանելու էր այն տաճարները, որտեղ դրված են եղել այդ կուռքերը: Ազաթանդեղոսը զարմանալիորեն այդ ամենը վերադրում է Տրդատ III-ին և Գրիգոր Լուսավորչին: Նա գրում է. «Ապա ինքն իսկ թագավորն խաղայր գնայր ամենայն զօրօքն հանդերձ ի Վաղարշապատ քաղաքէ՝ երթալ յԱրտաշատ քաղաք, աւերել անդ զբազինսն Անահտական դիցն, եւ որ յԵրազամոյն տեղիսն անուանեալ կայր: Նախ դիպեալ ի ճանապարհին երազացոյց երազահան պաշտաման Տրի դից, դպրի գիտութեան քրմաց, անուանեալ դիւան գրչի Որմզդի, ուսման ճարտարութեան մեհեան. նա ի նա ձեռն արկեալ՝ քակեալ այրեալ աւերեալ քանդեցին: Ուր եւ երեւեալ կերպարանեալ դիւացն ի նմանութիւն առն եւ ձիոյ բազմութեան... փախստեայք յԱնահտական մեհեանն անկանէին... Իսկ սուրբն Գրիգոր իբրեւ տեսեալ զայն՝ զնշան տէրունական խաչին առնոյր եւ դիմէր ի դուռն մեհեանին. եւ ամենայն շինուածք մեհեանին ի հիմանց դղրդեալ տապալեցան. եւ լուցեալ յանկարծօրէն փայտակերտն հրդեհեցաւ ի տէրունական նշանին զօրութենէ, եւ ծուխն ծառացեալ մինչեւ յամպս հասանէր»¹⁴: Ինչպես տեսնում ենք, հակառակ խորենացու, Ազաթանդեղոսը Անահիտի Արտաշատի մեհյանի և Տրի Երազամոյնի մեհյանի կործանողներն է համարում ոչ թե Սասանյան Արտաշիրին (Որմիզդ-Արտաշիրին), այլ Տրդատ III-ին և Գրիգոր Լուսավորչին:

Ազաթանդեղոսի այս և նման վկայություններին, ինչպես Գ. Սարգսյանն է նկատում, «պիտի մոտենալ որոշակի վերապահություններ, որին մզում է Դարանաղյաց Անիի սրբատեղիի և Գառնիի հեթանոսական տաճարի պահպանման փաստը»¹⁵: Է. Դանիելյանն ավելացնում է, որ հեթանոսական սրբավայրերը Հայաստանում ավերվել էին նախքան քրիստոնեությունը պետական կրոն հռչակելը, իսկ դրանք ավերողները եղել են զրադաշտական մոգերը (ոչ թե Գրիգոր Լուսավորիչը և նրա հետևորդները)¹⁶: Ասորի պատմիչ Մշիխա Ջեխայի «Ադիաբենի եկեղեցու պատմությունը» երկում առկա վկայությունները չույս են սփռում այն միջոցների և նպատակի վրա, որ կրոնական քաղաքականության բնագավառում որդեգրել էին առաջին Սասանյանները՝ առաջին արքա Արտաշիրից (226–243 թթ.) սկսած: Այնտեղ կարգում ենք. «Սասանյանների հիմնադիր Արտաշիր արքան հրամայեց, որ նոր ատրուշաններ կառուցվեն ի պատիվ աստվածների, և արևը՝ ամբողջ տիեզերքի մեծ աստվածը, հատուկ երկրպագություն արժանի լինի: Ինքն առաջինը ընդունեց «արքայից արքա» և «աստված» տիտղոսը: Այսպես նա եղած անարդարություններին ավելացրեց նաև անեծքը, (որովհետև) ուզում էր, որ իրեն աստվածների իրավունք տրվի: (Ստիպում էր), որ բազում օտար հավատալիքներ ձուլվեն արևի ու կրակի

12 Գ. Սարգսյան. Հելլենիստական գարաշրջանի Հայաստանը և Մովսես Խորենացին. Երևան, 1966, էջ 37, 39, 43:

13 Նույն տեղում, էջ 68–69:

14 Ազաթանդեղոս, ձԸ, 778–779:

15 Գ. Սարգսյան. նշվ. աշխ., էջ 130 (նաև էջ 241 և ծան. 171):

16 Է. Դանիելյան. Հայաստանում քրիստոնեությունը պետական կրոն հռչակելու հոգևոր ակունքները. Երևան, 1996, էջ 15:

(պաշտամունքի) հետ»¹⁷: Հայաստանում սասանյան զրադաշտականության տարածման ճանապարհին կանգնած էր ոչ միայն հայկական հեթանոսությունը, այլև քրիստոնեությունը, որը և որի հետևորդները նույնպես ենթակա էին հալածանքների: Դրանք հատկապես սաստկանալու էին Հայաստանի Սասանյան գահակալներից վերջինի՝ Ներսեսի (274-293թթ.) օրոք, որի գահակալության տարիներին Իրանում բանտարկված Մանին՝ մանիքեական կրոնի հիմնադիրը, մահվան էր դատապարտվել և լայն չափեր էին ընդունել հալածանքները և հետապնդումները ոչ զրադաշտականների նկատմամբ¹⁸: Իրադարձությունների այսպիսի ընթացքը Սասանյան արքայից արքաներին ենթակա «Երան եւ Աներան» երկրներում, մեր կարծիքով, հուշում է, թե ով կարող էր լինել «երկպառական»// զրադաշտական կրոնի ջատագով Հայոց այն թագավորը, որի հրամանով Արտաշատի գնդանն էր նետվել Գրիգոր Լուսավորիչը: Բնականաբար, այդպիսի հրաման արձակող թագավորը չէր կարող լինել Տրդատ III-ը, որը դեռևս թագավոր չէր (անդամ Հայաստանում չէր), բայց դա կարող էր լինել զրադաշտական Ներսեսը՝ «Հայոց մեծ թագավորը»:

Այդ ժամանակաշրջանում Հայաստանում տեղի ունեցած քրիստոնյաների հալածանքների մասին դրել էր Կեսարիայի Փերմելիանոս եպիսկոպոսը: Նրա երկից մասնակիորեն օգտվելով է Մովսես Խորենացին գրել իր «Հայոց պատմության» Բ գրքի Հե-Հէ գլուխները: Այդուհանդերձ, մեր պատմահայրը նկատում է, որ հիշյալ եպիսկոպոսը «գրէ գրագումս վկայեալս եւ ի Խոսրովայ, ի մերում աշխարհիս, համայն եւ յետ նորա օտարք յօտարաց: Բայց զի ոչ ճշմարտութեամբ եւ ոճով պատմէ, եւ ոչ զանուանս նշանակէ կամ զտեղիս կատարմանցն՝ ոչ ինչ կարեւորագոյն համարեցաք երկրորդել»¹⁹: Պարզվում է, որ Փերմելիանոսը խոսել է բազում քրիստոնյաների նահատակության մասին՝ իրականացված ինչպես Տրդատ III-ի հայր Խոսրով Մեծի, այնպես էլ նրանից հետո թագավորած «յօտարաց»: Բնականաբար, այս «օտարները» լինելու էին Հայաստանի Սասանյան գահակալները: Դա հաստատվում է Խորենացու հաջորդ շարադրանքի միջոցով: Այնտեղ կարդում ենք. «Իսկ որ ինչ գկնի մահուանն Խոսրովայ մինչեւ ցթագաւորութիւնն Տրդատայ ի ժամանակս անիշխանութեանն պատմէ՝ ստոյգ համարելով երկրորդեմք քեզ համառօտ բանիւք»²⁰: Իր խոստման համաձայն, հաջորդ հզ և հէ գլուխներում պատմահայրը համառոտ կերպով ներկայացնում է Սասանյան Արտաշիրի կողմից Հայաստանի նվաճման, նրա ձեռնարկած վերափոխումների իրականացման և երկրում զրադաշտականության ներդրման հանդամանքները:

Առաջին հայացքից տարօրինակ է թվում, որ Հայաստանը նվաճած Սասանյան Արտաշիրը, որը հավանաբար «Հայոց մեծ թագավոր» հռչակված Որմիզդ-Արտաշիրն է, կործանել էր ոչ միայն Արշակունիների նախնայաց

17 Հ. Մ ե լ ք ո ն յ ա ն. Ադիաբենի պետությունը և Հայաստանը. Երևան, 1980, էջ 180:

18 В. Г. Луконин. Նշվ. աշխ., էջ 98:

19 Խ ո ռ ե ն ա ց ի, Բ, ՀԵ: Եթե Խոսրովի առնչությամբ քրիստոնյաների դաժան հալածանքների մասին Խորենացին հիշատակում է, իսկ Տրդատի առնչությամբ չի էլ ակնարկում, ուրեմն, նա համոզված է եղել, որ Խոսրով III-ի օրոք նման բաներ եղել են, իսկ նրա որդի Տրդատ III-ի օրոք ոչ:

20 Նույն տեղում:

արձանները, այլև Արեգակի և Լուսնի կուռքերը: Չէ՞ որ Լուսին-Անահիտը Սասանյանների դինաստիական աստվածուհին էր: Նշենք, որ Արտաշիր I-ի հայր Պապակը և պապ Սասանը Ստահրի Անահիտի տաճարի քրմերն էին, իսկ Արտաշիր I-ը և Շապուհ I-ը (243-273թթ.) կրում էին նաև Ստահրի Անահիտի տաճարի «տեր» (p'thš'y) տիտղոսը²¹: Նրանցից Շապուհ I-ը իր արձաթե դրամներին պատկերված է կիսալուսնի և աստղի պատկեր կրող դիլխանոց-թաղով²²: Ընդ որում, եթե «Հայոց մեծ թագավոր» Որմիզդ-Արտաշիրը՝ ապագա արքայից արքա Որմիզդ I-ը, նույնացված էր Որմիզդ // Ահուրամագդայի հետ, ապա նրա ավագ կինը՝ թաղուհին, նույնացված էր Անահիտ դիցուհու հետ²³: Եթե Հայաստանի Սասանյան գահակալը ոչնչացնում էր Անահիտի կուռքը, ուրեմն, վերացնում էր նաև նրա պաշտամունքը, նշանակում է Հայոց Մայր դիցուհին իր Անահիտ անվամբ Սասանյանների դինաստիական աստծուն առնչվելով հանդերձ, նրանից խիստ տարբերվում էր իր էությունը: Անահիտին հայր համարում էր «փառք ազգիս մերոյ եւ կեցուցիչ», «մեծն Անահիտ, որով կեայ եւ զկենդանութիւն կրէ երկիրս հայոց», «րարերար ամենայն մարդկան բնութեան», «մեծն Անահիտ տիկին», «մայր ամենայն զգաստութեանց»²⁴: Իսկ Անահիտը առաջին Սասանյանների համար դինաստիայի հովանավոր ռազմիկ դիցուհի էր, որը հաղթանակներ էր շնորհում այդ դինաստիայի ներկայացուցիչ թաղավորներին²⁵:

Առաջին հայացքից տարօրինակ է թվում նաև Արեգակի կուռքի ոչնչացման փաստը, երբ հայտնի է, որ Սասանյան թագավորներն Արեգակը համարում էին ամենամեծ աստվածը և նրա պաշտամունքը նույնիսկ բռնությամբ պարտադրում էին իրենց հպատակված երկրների բնակչությանը: Բանն այն է, որ հայոց Սրեդակ // Տիրը իր էությունը տարբեր լինելով Սասանյանների Արեգակ // Աիհրից, միևնույն ժամանակ հայ Արշակունիների գինաստիական աստվածն էր: Բնականաբար, Արշակունի արքայատոհմի աստվածացված նախնիների արձանների հետ միասին Հայաստանի առաջին Սասանյան գահակալը պետք է ոչնչացներ նաև հայոց Արեգակ // Տիրի կուռքը և կործաներ նրա տաճարը: Տիրը Արշակունիների հայկական ճյուղի դինաստիական աստվածը լինելու տեսանկյունից ուշադրավ է ինչպես այն, որ Գառնիի հեթանոսական տաճարի հիմնադիր Տրդատ I-ը (52-80թթ.) կրում էր «Տիրատուր» // իրան. Տիրիդատ (>Տրդատ) նշանակող անուն, այնպես էլ այն հանդամանքը, որ իր հունարեն արձանագրության մեջ նա իրեն չեղիս «արև», «Արևաստված» է կոչում: Ըստ Գ. Սարգսյանի, «դա չեղիս (Արև) -Ասլոն-Տիր աստվածն է, և Տրդատը, աստվածացվելով, նույնացվել է այդ աստծու հետ, ինչպես Տիրդատն Բնվահաղնի»²⁶: Ըստ այսմ, Տրդատ I-ը Գառնիի հեթանոսական տաճարը կարող էր ձոնած լինել հենց Տիրին (ոչ թե Միհրին կամ Վահաղնին): Բնականաբար, իր հովանավոր աստծու անունը կրող Տրդատ III-ը չէր կարող

21 В. Г. Л у к о н и н. Նշվ. աշխ., էջ 30-31, 73:

22 Նույն տեղում, էջ 29:

23 Նույն տեղում, էջ 83, 97:

24 Ա գ ա թ ա ն գ ե դ ո ս, Ե, 53, Ե, 59, Զ, 68:

25 В. Г. Л у к о н и н. Նշվ. աշխ., էջ 97:

26 Գ. Ս ա ր գ ս յ ա ն. Նշվ. աշխ., էջ 59 (նաև էջ 62):

լինել Երազամույն վայրում գտնված այգ աստծու տաճարը կործանողը, որովհետև քրիստոնյա գառնալուց հետո անգամ նա անձեռնմխելի էր թողել այդ նույն աստծուն ձոնված տաճարը Գառնիում:

Հայ Արչակունի արքայատոհմում Տիրի պաշտամունքը ինչ-որ այլափոխումից հետո շարունակել է գոյատևել նաև հետագայում: Հայ Արչակունի քրիստոնյա արքաների և արքայազուհիների Տրդատ, Տիրան (<Տիր-ան) և Տիրիթ (Տիր-իթ) անունները դրա լավագույն վկայություններն են: Այս տեսանկյունից ուշագրավ է նաև հետևյալ հանգամանքը: Տրդատ III-ը մկրտվելիս ստացել էր Յովհաննէս անունը՝ ի հիշատակ Հովհաննես Մկրտչի՝ Կարապետի²⁷: Իսկ հայտնի է, որ ժողովրդական քրիստոնեություն մեջ (հայկական ժողովրդական հավատալիքներում) Սուրբ Կարապետին էին վերագրվում Տիր աստծուն բնորոշ և հոգևոր ոլորտին վերաբերող այնպիսի գծեր, ինչպիսիք էին արվեստները հովանավորելը, երաժշտական ունակություններ օժտելը և բանաստեղծական ձիրք շնորհելը²⁸: Ի դեպ, դրա մասին հաճախ արվեստի ապագա գործիչը, երաժիշտը կամ բանաստեղծը իմանում էր երազում իրեն հայտնված սրբից: Բացառված չէ, որ Տիր աստծու պաշտամունքային ոլորտին վերաբերող լույս-արեղակնային գծերն էլ Տրդատ III-ը ներմուծած լիներ իր նոր աստծու՝ Քրիստոսի պաշտամունքի մեջ և, դրանով իսկ, իր անձնական-դինաստիական շահերին տված լիներ գաղափարախոսական նոր հիմնավորում (հմտ. Տիր/տրնդեզ և Քրիստոս/տեսառնընդառաջ): Չէ՞ որ Քրիստոսն ասում էր. «Ես եմ լույսը», իսկ Գրիգոր Լուսավորիչը ասում էր. «Եղեւ այր մի առաքեալ յԱստուծոյ, անուն նորա Յովհաննէս (Մկրտիչ). սա եկն ի վկայութիւն, զի վկայեսցէ վասն Լուսոյն, զի ամենեքեան հաւատասցէն նովաւ»²⁹: Հիշենք նաև, որ «Հայ հոգևոր հայրերի շարականներում Արեգակն արդարություն գովերգությունը՝ Աստված-Լույսի՝ Քրիստոսի դերագույն փառաբանությունն է»³⁰: Ուրեմն, Տրդատ III-ը, ի հակադրություն իր նախորդ դահակալների, պետք է կրոնական հանդուրժողականություն ցուցաբերած լիներ ինչպես իր մկրտությունից առաջ, այնպես էլ մկրտվելուց հետո: Դրա վկայությունը կարելի է համարել V դ. եկեղեցական սլաոմիչ Սողոմոնոսի հետևյալ խոսքերը. «Ես տեղեկացա, որ հայերն ընդունել են քրիստոնեությունն ավելի առաջ: Ասում են, որ Տրդատը, որն այս ժողովրդի առաջնորդն էր, մի ինչ-որ աստվածանշան հրաշքի պատճառով, որ նրա տան մեջ պատահել էր, իսկույն դառել էր քրիստոնյա ու նաև հրամայել էր, որ քարոզություն միջոցով այդ կրոնն ընդունեն բոլոր իր հպատակները»³¹:

Որ կրոնական հանդուրժողականությունը աչքի ընկած Տրդատ III-ը չէր կարող լինել Գրիգոր Լուսավորչին գնդան նետած թաղավորը, ցույց են տալիս նաև թվաբանական պարզ հաշվարկները: VIII դ. եկեղեցական պատմիչ Գևորգ Ասորին վկայում է, որ պատանի Գրիգորը Հայաստան //

27 Հ. Ա ճ ա ո յ ա ն. Հայոց անձնանունների բառարան. Հ. Գ, Երևան, 1946, էջ 539: Ա գ ա թ ա ն գ ե ղ ո ս, ԼԹ, 373, 2է, 654:

28 С. Б. А р у т ю н я н. Карапет. — Мифологический словарь, М., 1991, с. 277.

29 Ա գ ա թ ա ն գ ե ղ ո ս, Խէ, 422:

30 է. Դ ա ն ի ե լ յ ա ն. Նշվ. աշխ., էջ 22:

31 S o z o m e n o s. Historia Ecclesiastica, II, 8 (Հ. Մ ա ն ա ն դ յ ա ն. Բնական տեսություն հայ ժողովրդի պատմության. Հ. Բ, մասն Ա, Երևան, 1957, էջ 126):

Մեծ Հայք եկել էր III դ. 70-ական թթ. կամ Դիոկղետիանոս կայսեր (284-305 թթ.) ժամանակ, կամ ավելի վաղ: Նա գրում է. «Գրիգորիսն այն, որ աշակերտեց զՀայս, ո՛վ ուսումնասէր, հռոմեացի էր ազգաւ, ինչպէս որ յայտնի է իւր կենսագրութեան խօսքերէն, բայց տղայութեան ժամանակ Հայոց աշխարհն եկաւ կամ Դիոկղետիանոսի քրիստոնէից դէմ յարուցած հալածանաց կամ ուրիշ մեզ անծանօթ պատճառաւ»³²: Գրիգոր Լուսավորչի «տղայութեան ժամանակ»-ը չէր կարող համընկնել Դիոկղետիանոսի գահակալման տարիների հետ, երբ նա արդեն հասուն տղամարդ էր: Եթե այդ «տղայութեան ժամանակ»-ը համարենք 15-20 տարեկանի միջև (իսկ նա ծնված է համարվում 250-ական թթ.), ապա «մեզ անծանօթ պատճառաւ» նա Հայաստան գալ կարող էր հենց III դ. 60-ական թվականների վերջին կամ 70-ական թվականներին, երբ Հայաստանում գահակալում էին Սասանյան արքայատոհմի ներկայացուցիչները: Մեր պատմիչների վկայութեամբ, Գրիգոր Լուսավորչիը ինքն Վիրապում գտնվել է 13-15 տարի³³: Եթե նա այնտեղից դուրս է բերվել 301 թ., ապա Արտաշատի այդ զնգանը նետված պետք է լիներ 286-288 թթ. միջև: Իսկ եթե նրան այնտեղից հանել էին ավելի վաղ, ասենք, 293 թ., երբ Տրդատն առաջինն անգամ գահակալեց Մեծ Հայքում, կամ 298 թ. երբ Տրդատը վերահաստատվեց իր գահին, ապա Գրիգոր Լուսավորչիը ինքն Վիրապ նետված կլիներ 278-280 թթ. կամ 283-285 թթ. միջև, այսինքն՝ դարձյալ Սասանյան Ներսէհի, այլ ոչ թե Տրդատ III-ի օրոք: Թե Ներսէհը ինչպիսի կրոնական քաղաքականութուն կարող էր վարել նվաճված Հայաստանում, ցույց են տալիս մասնավորապես այդ ժամանակաշրջանի սլարսկական արձանագրութունները: Հետագայում Իւրանի արքայից արքաների դահին բազմած Ներսէհը իրեն համարում էր «կրոնին ամենանվիրվածը, ամենալավը, ամենաարգարը և ամենագործունեյան»³⁴: Իհարկե այս ամենը ընկալվելու էր զրադաշտական բարոյագիտութեան տեսանկյունից: Ներսէհը մինչև «Հայոց մեծ թագավոր» դառնալն էլ համարվել է «ազնվագարմ մազդայասն» (yly mzdysn) կամ այլ կերպ ասած՝ «անեղծ հավատով Ահուրամազդա // Որմիզդի երկրպագու»³⁵: Որ Գրիգոր Լուսավորչին զնգան նետած թագավորը կարող էր լինել ոչ թե Տրդատ III-ը, այլ նրա նախորդ «Հայոց մեծ թագավոր» Ներսէհը, ցույց է տալիս նաև սրբահալած թագավորի խոզ դառնալու առասպելը: Նախ, ուշադրութուն դարձնենք մի հանգամանքի վրա: Ազաթանգեղոսի երկի մեզ հասած խմբագրութեան 763-րդ պարբերութունում ասված է, որ խոզակերպ թագավորը Տրդատ է կոչվում, իսկ մինչ այդ նա պարզապես թագավոր է: Ապա, թագավորի խոզ դառնալու առասպելը դալիս է սասանյան Իւրանից, որտեղ վարազը արքունի անասուն էր համարվում, ուստի արքայից արքայի կնիքը վարազի պատկեր ուներ: Վարազաբիր // վարազ նկա-

32 Թ. Տ ա շ ե ա ն. Ազանթագեղոս առ Գէորգայ Ասորի եպիսկոպոսին և և ուսումնասիրութիւն Ազաթանգեղոսայ գրոց. Վիեննա, 1891, էջ 4:

33 Ա գ ա թ ա ն գ ե դ ո ս, ԺԱ, 122, Ի, 215: Մ ո վ ս է ս Վ ա դ ա ն կ ա տ ու լ ա ճ ի. Պատմութիւն Աղուանից աշխարհի, քննական բնագիրը և ներածութունը՝ Վարազ Առաքելյանի. Երևան, 1983, էջ 33: Յ ո վ հ ա ն Մ ա մ ի կ ո ն ե ա ն. Պատմութիւն Տարօնոյ, աշխատութեամբ և առաջաբանով Աշ. Աբրահամյանի. Երևան, 1943, էջ 73: Յովհաննու կաթողիկոսի Իրասխանակերտցւոյ պատմութիւն Հայոց. Երևան, 1996, էջ 43:

34 В. Г. А у к о н и н. Иран в III веке. М., 1979, с. 72.

35 Նույն տեղում, էջ 73:

րագիր մատանի էր կոչվում Շապուհ II-ի (309-370թթ.) կնիք-մատանին: Խոսքով I Անուրշիրվանի (531-579թթ.) կնիքը նույնպիսին էր³⁶: «Պարսից թագավորների գերբը» ևս վարագրի պատկեր ուներ³⁷: Հայաստանի Սասանյան գահակալները միաժամանակ պարսից թագաժառանգներ էին, իսկ վերջիններս վարագրի պաշտամունքին առնչվում էին նաև իրենց կրած վարագազուխ թագերի միջոցով: Այգպիսի գլխանոց-թագեր նրանք կրում էին հենց Տրդատ III-ի գահակալմանը նախորդած տարիներին: Վարահրան II (276-293թթ.) արքայից արքան իր դրամներից մեկի վրա պատկերված է կնոջ և թագաժառանգ որդու հետ միասին: Թագաժառանգի գլխանոց-թագը իր վերնամասով վարագրի գլուխ է ներկայացնում: Այս նույն թագավորի թողարկած տարբեր տարիների դրամներին թագաժառանգը և թագուհին պատկերված են այնպիսի գլխանոց-թագերով, որոնք պատկերում են վարագրի, ձիու, դիշատիչ թռչնի գլուխներ և առասպելական էակներին բնորոշ մանրամասներ³⁸: Վարահրան II-ի դրամների այնպիսի մի տարատեսակ է հայտնի, որոնց վրա «Շահանշահն է՝ դիմացը վարագազուխ թագով թագաժառանգը»³⁹:



Նկ. 1

IV-VII դդ. թվագրվող հայկական կոթողներից մի քանիսն ունեն վարագազուխ թագավորի պատկերներ (նկ.1): Ընդունված կարծիքի համաձայն դրանք պատկերում են Տրդատ III-ին⁴⁰: Մեր կարծիքով, դրանք վաղ շրջանից եկող ակունքներ ունեն, լինելով Արտաշիրական կոչված կոթողներին պատկերված Հայաստանի Սասանյան գահակալների վերարտադրությունը, որովհետև նրանք էին լինելու վաղագազուխ գլխանոց-թագերի կրողները: Արտաշիրական կոթողների գոյությունը հաստատվում է Մովսես Խո-

36 Ա գ ա թ ա ն գ ե ղ ո ս. Հայոց պատմություն, աշխարհաբար թարգմանությունը և ծանոթագրությունները Արամ Տեր-Ղևոնդյանի, Երևան, 1983, էջ 514, ծան. 123: Փառատոսի Բիզանդացույ պատմությունը Հայոց, բնագիրը Բ. Պատկանյանի. Երևան, 1987, P. Փ р а й. Նշվ. աշխ., էջ 315:


37 Փ ա վ ս տ ո ս Բ ո լ գ ա ն դ. Հայոց պատմություն, թարգմանությունը և ծանոթագրությունները Ստ. Մախսյանցի. Երևան, 1987, էջ 436-437, ծան. 145:

38 В. Г. А у к о н и н. Иран в III веке, с. 32.

39 Նույն տեղում, էջ 44, 50, 56:

40 Հ ժ Պ. հ. 2, էջ 591, 594, 595:

րենացու հետևյալ վկայությամբ. «(Արտաշիրը) նա եւ զսահմանս հաստատեալս յԱրտաշիսէ, զքարինս յերկրի կացուցանելով, նորոգեաց, եւ յիւր անունն փոխելով Արտաշիրական անուանեաց»⁴¹: Բ. Առաքելյանը, վարագազուի թագավորի մասին առասպելական պատկերացումների ակունքները հայ հին գիցարանում որոնելով հանդերձ, նշում է, որ հայ քրիստոնեական եկեղեցին դրանից օգտվել է մարդկանց հոգեբանության վրա նաև տեսողական ազդեցութուն գործելու նպատակով⁴²: Այսուհանդերձ, դժվար



Նկ. 2

է պատկերացնել, թե Տրդատ III-ին հաջորդած Արշակունի հայ թագավորներից որևէ մեկը թույլ կտար ինչ-որ մեկին իր Արշակունի նախնուն և հայոց առաջին քրիստոնյա թագավորին ներկայացնել վարագազուի մարդու տեսքով, որովհետև հայի համար վարագը բացասական երևույթներ կրող մի էակ էր, իսկ հայ առասպելաբանության մեջ՝ խավարի և ընդերքի խոլ ուժերը մարմնավորող մի կերպար: Վարագ անասունի այդպիսի ընկալումով են պայմանավորված վարագանալ բառի նաև «գազանանալ, վայրենանալ», «կատաղել» իմաստները, (Եզնիկ Կողբացին վարագը որակում է գազանագույն դագան բառերով)⁴³: Որ խավարը և ընդերքային խոլ ուժերը ներկայացնող առասպելաբանական կերպարը կարող էր հանդես գալ վարագի (կամ խոզի) տեսքով, ցույց է տալիս, օրինակ, Արշակունի թագավորների Աղձքի դամբարանի պատին արված պատկերը: Այստեղ լույսի և երկնային ուժերին անձնավորող մերկամարմին հերոսի հակառակորդը հենց վարագն է⁴⁴: Հիշենք նաև հայ ժողովրդական հեքիաթների բարագխոզ // վարագը, որը հեծկան անասունն է մահվան և չար ուժերի անձնավորում պառակի, և կենդար «չարք, դև» բառը⁴⁵, որի կենդարմատը տարբերակն է լինելու կինճ // կինջ «վարագ» բառի:

41 Ն ո ռ ե ն ա ց ի, Բ, հէ:

42 Բ. Առաքելյան. Հայկական պատկերաբանականները IV-VII դարերում. Երևան, 1949, էջ 115:

43 ՆՀԲ. Հ. Բ, Երևան, 1981, էջ 790: Հ. Աճառյան. Հայերեն արմատական բառարան. Հ. 4, Երևան, 1979, էջ 314:

44 Նրա ուղեկից շները հիշեցնում են Սյունիքի Զերմաջուր վայրի (տե՛ս նկ. 2) ժայռապատկերներից մեկի շներին, որոնցից մեկը պատկերված է խաչանշանի հետ և հալածում է վիթխարի վարագին (Գ. Կարախանյան, Պ. Սաֆյան. Սյունիքի ժայռապատկերները. - «Հայաստանի հնագիտական հուշարձաններ», № 4, Երևան, 1970, նկ. 341, էջ 18-19):

45 Հ. Ալիշան. Հին հաւատք կամ հեթանոսական կրօնք հայոց. Վենետիկ, 1895, էջ 215: Կենդ/կինջ/ կինճ_համարժեքության տեսանկյունից հմտ. Խինդ/խնջոյք, ստերդ/ստերջ, աղամուղտ/աղջամուղջ, լուրթ/լուրջ, գուարթ/ գուարճ և այլ գույգերում

Ի տարբերություն հին Հայաստանի, հարևան և հեռավոր մի շարք երկրներում իրողը համարվում էր սրբազան կենդանի լուսավոր երևույթների կենդանական մարմնավորում, և առասպելաբանական մտածողության մեջ համադրվում էր արևի հետ⁴⁶: Այդպես էր, օրինակ, հին եգիպտոսում⁴⁷ և Սասանյան դարաշրջանի Իրանում: Վարադի առասպելաբանական կերպարի բացահայտման գործում կարևորվում է վարազագլուխ գլխանոց-թագերի գոյությունը: Սասանյան դրամներին իրենց արտացոլումը գտած կենդանագլուխ գլխանոց-թագերի խորհրդանշանային իմաստները, ինչպես Վ. Գ. Լուկոնինն է գրում. «Կապված են շահանշահի պատրոնի՝ Վերեթրագնա աստծու հետ (համենայն դեպս վարազը, ձին և թռչունը նրա տարբեր ինկարնացիաներն են)»⁴⁸: Հին իրանական Վերեթրագնա դիցանունը նախատիպն է ինչպես հայկական Վահագն-ի, այնպես էլ վաղսասանյան Վարազրան // Վարհրան-ի⁴⁹: Վերջինս արքայից արքաների անվանացանկում ամենատարածված անուններից մեկն է (համահավասար Որ-



Նկ. 3

միզդ // Հորմիզդ անվանը)⁵⁰: Ռ. Ֆրայի գրքում բերված է (նկ.3) սասանյան կցազարդ քիվի մի հատված (տրամագիծը 37,5 սմ), որտեղ պատկերված է առասպելաբանական վարազի գլուխը⁵¹: Այն զբաղեցնում է պատկերի կենտրոնական մասը և առնված է արևի սկավառակը խորհրդանշող շրջանակի մեջ: Արտաքին միջավայրից վարազի գլուխը սահմանազատված

առկա հնչյունական համապատասխանությունները (Г. Б. Дж а у к я н. Очерки по истории дописьменного периода армянского языка. Ереван, 1967, с. 302–304): Կենդար բառում -ար բաղադրիչը վերջածանց է: Հմմտ. կիրպ-ար, մոլ-ար, պալ-ար պատահար և այլն (Հայոց լեզվի պատմական քերականություն. հ. 2, Երևան, 1975, էջ 90): Ըստ այսմ, մեր կենդար-ը չի կարող փոխառյալ լինել հունարեն ΚΕΝΤΑΥΡΟΣ բառից:

46 В. В. Иванов, В. Н. Топоров. Сварог. — Мифы народов мира. М., 1988, с. 420.

47 H. G r a p o w. Die Himmelsgottin Nut als Mutterschwein — ÄZ, Bd. 71, 1935, S. 45–47.

48 В. Г. Луконин. Иран в III веке, с. 32.

49 R. S c h m i t t. Iranische Namensschichten und Namentypen bei Altarmenischen historikern. — Միջագային Հայերենագիտական գիտաժողով. Երևան, 21–25 սեպտեմբերի, 1982: Ձեկուցումներ. Երևան, 1984, էջ 462:

50 Р. Ф р а й. Նշվ. աշխ., էջ 369:

51 Նույն տեղում, նկ. 111:

է երկու (արտաքին և ներքին) շրջանագծերով, որոնց միջև տեղադրված են օրվա 24 ժամերը խորհրդանշող 24 շրջանակներ: Վարազագլխի ուղղվածուլթյունը ձախից աջ է՝ համապատասխան երկնակամարում արևի շարժման ուղղությանը (արևելքից՝ արևմուտք): Այսպիսով, կասկած չի ներկայացնում, որ Սասանյան թագաժառանգները վարազագլուխ թագեր կրել են այն պատճառով, որ առասպելաբանական մտածողությամբ վարազն ընկալվել է որպես զրադաշտականների ամենամեծ աստծու՝ Արեգակի, կենդանական դրսևորումը: Այդպիսի թագեր կրելու էին նաև Տրդատ III-ին նախորդած Սասանյան գահակալները՝ «Հայոց մեծ թագավորները»: Դա է եղել վարազակերպ Հայոց թագավորի մասին առասպելի ստեղծման պատմական հենքը:

Մինչև «Հայոց մեծ թագավոր» դառնալը, Սասանյան Ներսեսը իշխում էր ներկայիս Իրանի, Աֆղանստանի և Պակիստանի հարակից մարզերն ընդգրկած տարածքում և կրում էր «թագավոր Սակաստանի, Տուրեստանի և Հնդկաստանի» տիտղոսը⁵²: Ս. Երեմյանի կարծիքով, Որմիզգ-Արտաշիրից սկսած, Հայաստանի Սասանյան գահակալները այստեղ հիմնել են զրադաշտական ասորուշաններ (Հուր, Հրատն), որտեղ սպասարկում էին նրանց կողմից «Սակաստան, Տուրեստան և Հնդիկք մինչև ծովափ» թագավորութունից բերված հնդիկ քուրմերը⁵³: Բնականաբար, նրանց մեջ լինելու էին նաև պարսիկ մոզեր: Սրանք էլ կործանողներն են եղել Հայ հեթանոսական աստվածների կուռքերի և ավերողները նրանց սրբավայրերի: Զրադաշտական ասորուշանները կառուցվելու էին դրանց ավերակների վրա: Ըստ Մովսես Խորենացու, Արտաշիրը «զմեհենիցն պաշտամունս առաւել եւս յորդորէ. այլ եւ զհուրն որմզդական, որ ի վերայ բազնին որ ի Բաղաւան, անշէջ հրամայէ լուցանել»⁵⁴:

Հայաստանի Սասանյան գահակալներից վերջինի՝ Ներսեսի օրոք հռոմեացիները, որոնք վերագրավել էին Շապուհ I-ին զիջած տարածքներից շատերը, ընդհուպ մոտեցել էին Մեծ Հայքի սահմաններին: Դիոկղետիանոս կայսրը 287թ. Մեծ Հայքի թագավոր էր ճանաչել Հայոց թագաժառանգ Արշակունի Տրդատին: Իրանում Վարահրան II-ի մահից հետո արքայից արքա էր հռչակվել նրա որդին՝ Վարահրան III-ը (293թ.): Վերջինիս դեմ ելավ «Հայոց մեծ թագավոր» Ներսեսը, որն իրեն էր համարում արքայից արքաների դահի օրինական ժառանգորդը: Գահակալական պայքար սկսած Ներսեսը քաջ գիտակցելով, որ իր հեռանալուն պես Հայաստանը կզբաղեցվի հռոմեացիների կողմից և Տրդատն այստեղ կվերականգնի Արշակունիների իշխանութունը, որոշեց «կամովին» գահը զիջել Տրդատին: Ըստ երևույթի, նա հույս ուներ, որ դրանով կապահովի իր թիկունքը և իրավունք կստանա իր մղելիք պայքարում օգտվելու նաև Հայ մեծամեծների զինական աջակցությունից: Նման համաձայնությունների մասին են խոսում ինչպես Ներսեսի կողմնակիցների շարքում Հայ մեծամեծների առկայությունը հաստատող Փայքուլիի արձանագրությունը⁵⁵, այնպես էլ այն իրողությունը որ Ներսեսի հաղթանակն ու գահակալումը

52 В. Г. Л у к о н и н. Культура Сасанидского Ирана, с. 55, 60, 63.

53 ՀԺՊ. Հ. 2, էջ 75:

54 Խ օ Ր Ե Ն Ս Գ Ի, Բ, Հէ:

55 В. Г. Л у к о н и н. Նշվ. աշխ., էջ 115–116, ծան. 19:

չնորհավորողներից մեկը Տրդատն էր՝ Իրանի նոր գահակալին Տիզբարանակերտի իր արձանագրության մեջ «աստված արքայից արքա» (երիցս) կոչողը⁵⁶:

293 թ. Մեծ Հայքի թագավոր դարձած Տրդատը այլակրոնների նկատմամբ որևէ հալածանք չէր կիրառել: Ըստ երևույթին, բոլոր կրոններն էլ նա թույլատրելի էր համարել այնպես, ինչպես հետագայում (313թ.) Միլանի էդիկտով Հռոմեական կայսրության համար դա արել է Կոստանդին Մեծը: Հակառակ դեպքում անհասկանալի կմնա, թե ինչն էր Հռիփսիմեին և Դիոկղետիանոս կայսրից հալածված մյուս սրբուհիներին դրդել ապաստան որոնելու Հայաստանում: Չնայած Տրդատ III-ը կայսեր դաշնակիցն ու վասալն էր, բայց փաստորեն չէր արգելել նրանց հանդրվանելու Վաղարշապատում՝ «ի նիստս թագաւորացն Հայոց»⁵⁷: Ինչպես Մ. Արեղյանն է նկատում, իբր թե Տրդատ III-ի կողմից իրականացված «Հռիփսիմյանց վկայաբանության մեջ դժվար թե որեէ իրական պատմական բան լինի, բայց եթե այն, որ իրոք Վաղարշապատում նահատակված են եղել կույսեր, քանի որ V դ. արդեն եղել է այնտեղ նրանց վկայարանները»⁵⁸: Ավելացնենք. ժողովուրդը հիշում էր, որ այդ վկայարանները կառուցվել էին Տրդատ թագավորի կողմից՝ նրա կնոջ և քրոջ մասնակցությամբ (ըստ Ագաթանգեղոսի, դրանց կառուցումը նախորդել էր Տրդատի մկրտությանը)⁵⁹: Սրբուհիների նահատակությունը իրագործվելու էր այն ժամանակ, երբ արքայից արքա դարձած Ներսեսը պատերազմ սկսեց Հռոմեական կայսրության դեմ և 296 թ. վերադարձվեց Հայաստանը (որը «ենթարկված էր Հռոմեացիների իշխանության»)⁶⁰: Այս անգամ ևս Տրդատը Հայաստանում չէր: Իր գահին նա վերահաստատվեց 298թ. Մծբինի հաշտության միայն:

Տրդատ III-ը իր հանդուրժողական կրոնական քաղաքականությունը չէր փոխել անգամ 301թ. մկրտվելուց և քրիստոնեությունը Հայաստանի պետական կրոն հռչակելուց հետո: Հայաստանում հալածանքների չէին ենթարկվել նույնիսկ այն մոգերն ու քրմերը, որոնք այստեղ էին բերվել Հայաստանի Ասսանյան գահակալների կողմից: Հարկ եղած դեպքում, Տրդատը չէր խորշում օգտվելու նրանց կուտակած գիտելիքներից: Այսպես օրինակ, ըստ Մովսես Խորենացու, փղախտով («եղեփանդական բորոտություն») տառապող Կոստանդին կայսրին «ոչ կարացին բուժել արիողական կախարդքն եւ մարսիկեան բժիշկք. յաղագս որոյ յղեաց առ Տրդատ առաքել նմա դիւթս ի պարսից եւ ի հնդկաց. սակայն եւ այնք ոչ հասին նմա յօգուտ»⁶¹: Եթե կրոնական հարդուրժողականություն ցուցաբերած Տրդատ III-ը հալածանքների չէր ենթարկել պարսիկ և հնդիկ զրադաշտական մոգերին ու քրմերին, ապա մեծ համարձակությունն չի պահանջվում ենթադրելու համար, որ նա հալածանքների չէր ենթարկի նաև նախ հայ քրիստոնյաներին (երբ դեռևս հեթանոս էր), ապա հայ հեթանոսներին (երբ արդեն քրիստոնյա էր): Ուրեմն, Տրդատ III-ին իզուր է վերադրվել հեթա-

56 ՀժՊ. հ. 2, էջ 64–65:

57 Ա գ ա թ ա ն դ ե ղ ո ս, ԺԳ, 150:

58 Մ. Արեղյան. Երկեր. հ. Գ, Երևան, 1968, էջ 185:

59 Ա գ ա թ ա ն դ ե ղ ո ս, ՃԶ, 766–768:

60 Ammianus Marcellinus, XXII, I, 5, 13 (ՀժՊ. հ. 2, էջ 66).

61 Խ ո Ր Ե ն ա ց ի, Բ, ձգ:

նոսական մեհյանները կործանողի դերը: Նրա հրամանով և Գրիգոր Լուսավորչի ղեկավարությամբ Հայաստանի կանգուն մնացած հեթանոսական մեհյաններում միայն վերացվում էին հեթանոսական աստվածների կուռքերը և փոխարենը դրվում էին փայտե խաչեր: Դարձյալ գիմենք Մովսես Խորենացուն: Ըստ նրա, վրաց աշխարհում քրիստոնեությունը անարդել քարոզած և տարածած Նունե Երանելին Գրիգոր Լուսավորչին հարցրել էր, թե «գինչ հրամայեսցէ նմա գործել այնուհետեւ. քանզի յօժարութեամբ ընկալան վիրք գքարողութիւն Աւետարանին: Եւ հրաման ընդունի՝ կործանել զկուռսն, որպէս ինքն արար, եւ կանգնել զպատուական նշան խաչին մինչեւ ցօր տալոյ Տեառն հովիւ յառաջնորդութիւն նոցա»⁶²:

Իսկ ինչպե՞ս և ինչո՞ւ են Հայաստանի Սասանյան գահակալների բռնաբարքները և ոճիրները, մանավանդ Ներսեհինը, հետագայում վերագրվել Տրդատ III-ին: Կարծում ենք, որ այդ գործում ղլխավոր մեղավորը եղել է Աղաթանգեղոսի երկի մեղ չհասած տարբերակի խմբագրողը: Ինչպես Մ. Աբեղյանն է ցույց տվել, նախապես գոյություն է ունեցել «IV դ. մի դործ, մի համառոտ պատմություն Ս. Գրիգորի, պատմական արժեք ունեցող մի երկ, որից օգտվել է հեղինակը իր դործը խմբագրելիս»⁶³: Նախնական խմբագրությունը «հորինված է V դ. առաջին կեսին, բայց անփոփոխ չի մնացել, հետագայում վերախմբագրված է»⁶⁴: Ա. Տեր-Ղևոնդյանն ավելացնում է. «Հինգերորդ գարի առաջին կեսում կազմվել է մի խմբագրություն, որի հայերենը դեռ հայտնի չէ, բայց կան նրանցից ծագող ասորերեն, հունարեն և արաբերեն խմբագրություններ, որոնք Վարք են կոչվում: Այս հայերեն բնագիրը, ըստ երևույթին, դաբերի ընթացքում մոռացություն է տրվել»⁶⁵: Ըստ երևույթին, Աղաթանգեղոսի երկի առաջին խմբագրությունը կազմվել էր 428թ. անմիջապես հետո, երբ Արշակունյաց թագավորության վերացումով Հայաստանը վերածվել էր պարսկական մարզպանություն: Այդ ժամանակ էլ անհայտ խմբագրողը Ս. Գրիգորի Վարքին, այլ գրույցների հետ միասին, ավելացրել էր նաև Շապուհ Պարսիկի Հայաստանում գահակալած տարիներին (416-420 թթ.) հավանաբար պարսկերենով գրված ինչ-որ պատմական ստեղծագործություն: Ինչպես Մ. Աբեղյանն է նկատել. «Խմբագրողը նույնը քաղել է տարբեր աղբյուրներից և չի կարողացել այնպես ի մի ձուլել, որ կրկնություն չլինի և առաջ չդան նույնիսկ հակասական մասեր ու ավելորդաբանություններ, խոսքի ու պարբերության ընդհատումներ, որոնցով լի է այս պատմությունը»⁶⁶:

Հայոց թագավոր կարգված Շապուհ Պարսիկի և պարսից արքունիքի կողմից հայոց Դարձի պատմության պարսկամետ ղիրքերից նենգափոխումը խրախուսելի մի ձեռնարկում էր նկատվելու: 125-150 տարի առաջ տեղի ունեցած դեպքերի նորովի մեկնաբանությամբ Շապուհ Պարսիկի շրջապատը ձգտելու էր տանելի դարձնել քրիստոնյա Հայաստանում զրադաչտական այս նոր թագավորի՝ պարսից թագաժառանգի գահակալումը՝ որ-

62 Նույն տեղում, Բ, ձգ:

63 Մ. Աբեղյան. Երկեր. հ. Գ, էջ 182:

64 Նույն տեղում, էջ 184: Տե՛ս նաև Н. А. Д о н ц. Армения в эпоху Юстианиана. Ереван, 1971, с. 341—342, пр. 1.

65 Աղաթանգեղոս. Հայոց պատմություն, էջ 506:

66 Մ. Աբեղյան. Երկեր. հ. Գ, էջ 183—184:

պես վերջնական նպատակին հասցնող կարևոր քայլերից մեկի: Իսկ թե ո՞րն էր պարսից արքունիքի վերջնական նպատակը, ցույց են տալիս ինչպես Մովսես խորենացին, այնպես էլ Ղաղար Փարպեցին: Շապուհ Պարսիկին հայոց թագավոր կարգելով, ըստ Փարպեցու, պարսիկները մտածում էին հետևյալ կերպ. «Զի [հայերը] յօրինացս մեր (պարսիկների) օտար են եւ ատեցողք, եւ միահաւան ունին զպաշտօն նոցա (բյուզանդացիների) եւ զօրէնս... Հաղորդեալ առ միմեանս՝ զատուցեալք այնուհետեւ որոշին ի սիրոյ նոցա եւ յօրինացն»⁶⁷: խորենացին ավելի հեռահար նպատակ է մատնանշում. «Զի մարթ լիցի զնոսա եւ ի դեն մազդեզանց սաղապեցուցանել, որով ամենեւիմք զատչիցին ի Յունաց»⁶⁸: Սա էր վերջնական նպատակը: Իսկ դրան հասնելու համար պետք էր նախ սկսել նրանից, որ Տրդատ III-ն ու նրա շրջապատը ներկայացվեին որպես Հռոմի դրածոներ, հայոց շահերն անտեսած մարդիկ, հեթանոսական մեհյանները կործանողներ, բոլոր կրոնների հալածիչներ, ոչ միայն հեթանոս քրմերին, այլև քրիստոնյա քարոզիչներին կոտորողներ և այլն: Ըստ այսմ, Տրդատ III-ը ամեն կերպ սևացվելու էր, իսկ նրա նախորդ Սասանյան զահակալների բռնարարքներն ու ոճիրները վերագրվելու էին նրան: Վերևում արդեն տեսանք, որ Ագաթանգեղոսի երկում Տրդատին և Գրիգոր Լուսավորչին է վերագրված Տիր/Արեգակի և Անահիտ/Լուսնի մեհյանների կործանումը, երբ Մովսես խորենացու հաղորդումներից պարզվում է, որ դրանց կործանողը եղել է Սասանյան Արտաշիրը//Որմիզդ-Արտաշիրը:

Ագաթանգեղոսի երկի ինչ-ինչ հատվածների պարսկերեն բնագրեր ունենալու մասին են վկայում այնտեղ առկա պարսկաբանությունները: Օրինակ, Տիրի Մեհյանի «դիւան գրչի Որմզդի» որակումը բացահայտում է որակողի պարսկական կրթություն ստացած կամ զրադաշտական լինելը: Հակառակ դեպքում սասանյան ժամանակաշրջանի Որմիզդի (հին պարսկական Ահուրամազդայի) փոխարեն հիշատակված կլիներ հայ հեթանոսական դիցարանի նրա զուգահեռը՝ աստվածահայր Արամազդը⁶⁹: Վաղուց նկատված այս հանգամանքը թյուրիմացության տեղիք էր տվել: Օրինակ, ըստ Հ. Գեղեցիբի. «Աստից կարելի է հետևեցնել, թե հեթանոս դիցաբան ճարտասանից դպրության միացած Երազամուլյն պատգամատեղվույն հետ, գրեթե բոլորովին նոր և վերջին ժամանակաց հաստատություն մըն է»⁷⁰:

Առավել արտառոց է թվում այն փաստը, որ Ագաթանգեղոսի երկում հայ քրմերը «դև» -եր են կոչվում⁷¹: Աքեմենյան Քսերքսեսի (մ.թ.ա. 486-465 թթ.) ժամանակներից սկսած Ահուրամազդայի երկրպագուները այդ տերմինը գործածում էին նշելու համար հեթանոսական այն աստվածներին, որոնց պաշտամունքը անհարիր է իրենց աստծու պաշտամունքին և որոնց սրբարանները ենթակա էին ավերման⁷²: Այս նույն տերմինն է կիրառում նաև Ահուրամազդա//Որմիզդի մոզպետ հիշյալ Կարտիրը, երբ իր արձանագրություններում ներկայացնում է Վարահրան I-ի և Վարահրան II-

67 Ղաղարայ Փարպեցու պատմութիւն հայոց. Թուղթ առ Վահան Մամիկոնեան, քննական բնագիրը Գ. Տեր-Մկրտչյանի և Ստ. Մալխասյանցի. Երևան, 1982:

68 Ն ո Ր Ե Ն Ա Գ Ի, Գ, ձե:

69 Ա գ ա թ ա ն գ ե ղ ո ս, 6թ, 785:

70 Հ. Գ ե լ ց ե բ. Հեաազօտութիւն հայ գիցաբանութեան. Վենետիկ, 1897, էջ 42:

71 Ա գ ա թ ա ն գ ե ղ ո ս, ձԸ, 780, 6թ, 785 6թ, 786 և այլուր:

72 P. Փ p a ի. Նշվ. աշխ., էջ 164-165:

ի դահակալուծյան տարիներին իր կատարած գործերի արդյունքները. «...Ահրիմանի և դևերի հավատը նահանջեց և վտարվեց երկրից: Թե՛ հրեաները, թե՛ բուզդայական քրմերը, թե՛ բրահմանները, թե՛ նազրեացիները, թե՛ քրիստոնյաները... թե՛ զինդիկները ջախջախվեցին, իսկ [նրանց] աստվածների պատկերները ավերվեցին, և դևերի ապաստարանները ոչնչացվեցին և աստվածների «բույների» ու նրանց կացարանների վերածվեցին»⁷³: Ժամանակին Ա. Մարտիրոսյանը նկատել էր, որ «Կարտիրի արձանագրուծյունների մեջ է Աբաթանդեղոսի էջերում գարմանալիորեն միատեսակ արտահայտություններ կան. «Դևերը նահանջեցին երկրից և վտարվեցին: Դևերի համար մեծ խայտառակություն եղավ», – ասված է Կարտիրի մոտ: «Կերպակերպ նմանութեամբք դիւացն փախստական լինելով անկանէին ի կողմանս հաղտեաց»... Այստեղ էլ դևերի համար մեծ խայտառակություն եղավ: Այստեղ էլ դևերը մեծ հարված կրեցին»⁷⁴:

Հայաստանի Ասսանյան գահակալներին վերաբերող խորենացիական հազորդունները ևս մատնացույց են անում պարսկերեն կամ պարսկամետինչ-որ սկզբնաղբյուր: Խոսքը մասնավորապես Սասանյան Արտաշիրի՝ Որմիզգ-Արտաշիրի (միա՞յն), Հայաստանյան գործունեությանը նվիրված Խորենացու Բ գրքի հէ գլխի մասին է: Այն կրում է հետևյալ վերնադիրը. «Յաղազս խաղաղութեան Պարսից եւ Յունաց, եւ շինելոյ Արտաշիրի գւշայս յամս անիշխանութեան»: Եթե նախորդ գլխում (Բ, հգ) մեր պատմահայրը գրում է, թե «համարձակաբար արչաւեալ ի մեզ Արտաշիրի, եւ զգօրս Յունաց փախստական արարեալ, գերելով զյուլով մասն աշխարհիս յաւեր գարծուցանէ»⁷⁵, ապա այստեղ՝ հէ գլխում, ականատեսն ենք հակառակ պատկերի. «Իսկ Արտաշրի գեգեցկապէս յարգարեալ գաշխարհս Հայոց ի կարգ առջին հաստատէր»:

Այս նույն գլխում պարսկաբանություն է սահման բառի գրաբարին ոչ բնորոշ իմաստով գործածումը, որովհետև հայերենում երբևէ այդ բառը «սահմանաքար, սահմանորոշ նշան» չի նշանակել⁷⁶: Ուշագրավ է, որ Արտաշիսյան սահմանաքարերի մասին խոսելիս Խորենացին դործածում է «նշանս սահմանացն» բառակապակցությունը,⁷⁷ բայց Արտաշիրական սահմանաքարերը ուղղակի «գսահմանս» են կոչվում⁷⁸: Սասանյան դարաշրջանի պարսկերենում (միջին պարսկերեն, պահլավերեն), samān < *sāhman բառը նախ և առաջ «սահմանորոշ նշան» էր նշանակում⁷⁹: Նոր պարսկերենի samān բառի բազմաթիվ իմաստներից մեկն է «նշան, որ իցէ եղեալ վասն որոշման սահմանի»⁸⁰: Պարսկաբանություն է ներկայացնում նաև այս նույն գլխում շապուհ բառի գործածումը: Որմիզգ-Արտաշիրի որգի Որմզգակը⁸¹ Խորենացու աղբյուրում շապուհ է կոչվել արքայորդի լինելու

73 В. Г. Л у к о н и н. Культура Сасанидского Ирана, с. 87.

74 Ա. Մ ար տ ր ո ս յ ա ն. Մաշտոց (պատմաքննական տեսություն). Երևան, 1982, էջ 94:

75 Խ ո Ր Ե Ն Ա Գ Ի, Բ, հգ:

76 ՆԲՀ, Հ. Բ, էջ 687–688:

77 Խ ո Ր Ե Ն Ա Գ Ի, Բ, ծգ:

78 Նույն տեղում, հէ:

79 Հ. Ա ճ ա ո յ ա ն. Հայերեն արմատական բառարան. Հ. 4, էջ 162:

80 Նույն տեղում, էջ 162, «Персидско-русский словарь», т. II, М., 1970, с. 13.

81 ՀԺՊ, Հ. 2, էջ 49:

պատճառով. պարս. sâh-pûhr «արքայ-որդի»: Բայց ինքնագիրն, որին Որմզդակ անունն անհայտ է, բառն ընկալել է որպես անձնանուն: Սասանյան Արտաշիրի (այս դեպքում ևս Որմզդ-Արտաշիրի) մասին իր հաղորդումները նա ավարտում է հետևյալ բառերով. «յետ նորա որդի նորին, որ անուանեցաւ Շապուհ, որ լսի արքայամանուկ»⁸²: Լ. Հովհաննիսյանը նշելով, որ շապուհ // արքայամանուկ նշանակում է «արքայորդի», ավելացնում է. «Գրաբարի բառարանները չեն զբանցել հավանաբար նկատելով որպես հատուկ անուն»⁸³:

Այսպիսով, կասկածից վեր է, որ Ագաթանգեղոսի երկի խմբագրողին հասել էր հայոց Դարձի և նրան նախորդած դեպքերի իրական ընթացքը խեղաթյուրված, իսկ պատմական հայտնի դեպքերի բնութագիրը և նրանց փոխհարաբերությունները այլափոխված ներկայացնող մի երկ: Նրա նկատմամբ Ագաթանգեղոսի երկի առաջին խմբագրությունը կազմած անձնավորության ցուցաբերած ոչ քննադատական մոտեցումը, մեր կարծիքով, պայմանավորված է եղել հետևյալ հանգամանքներով:

1. V–VII դդ. հայ մատենագրության մեջ արմատացած սովորության համաձայն, մերժելի էին կյանքի հողեոր-մշակութային ոլորտին վերաբերող բոլոր այն երևույթները, որոնք նախաքրիստոնեական էին՝ հեթանոսական: Հ. Հակոբյանի կարծիքով, «Սկզբնաղբյուրները խմբագրող, հաճախ փոխադրող անձը արդեն խորթացած էր հեթանոսության նկատմամբ՝ անգամ II–IV դդ. առնչությամբ. նրանում տեսնում էր վտանգ ու նրա նկատմամբ տանում էր վերացական հաղթանակներ (տեսնելով, բայց չպրպտելով հետևանքները)... Չորրորդ դարի սկզբի դեպքերին վերագրվում է շատ ավելի բռնի և դրամատիկ բնույթ, քան եղել է իրականում»⁸⁴:
2. Ագաթանգեղոսի երկի առաջին խմբագրողը հայոց Դարձին նախորդած ժամանակաշրջանի դեպքերին և դեմքերին նայում էր առնվազն 150 տարիների հեռվից, երբ արդեն շատ աղոտ էին դարձել հիշողությունները Տրդատ III-ին նախորդած «Հայոց մեծ թագավորների» մասին, չնայած պահպանվում էին հիշողությունները նրանց բռնարարքերի և ոճրագործությունների մասին: Զրադաշտական այդ Սասանյանները մարդկանց հիշողության մեջ չէին մնացել ո՛չ իրենց անուններով, ոչ էլ իրենց անհատական բնութագրով և վերածվել էին հեթանոս հայոց թագավորի հավաքական կերպարի: Իսկ այդ կերպարը քրիստոնյա հայի մտապատկերում հեշտությամբ կարող էր շփոթվել հեթանոս Տրդատի կերպարի հետ:
3. Ինչպես Տրդատ III-ի անմիջական նախորդը՝ Ներսեսը, այնպես էլ Որմզդ-Արտաշիրը և Որմզդակը տեղ չէին գտել նաև հայոց արքայացանկերում: Այս հանգամանքը հեշտացնելու էր այն անձնավորության (կամ անձանց) գործը, որոնք Հայաստանի Սասանյան գահակալների ի-

⁸² Ի ո ռ ե ն ա ց ի, Բ, հէ:

⁸³ Լ. Հ ո վ հ ա ն ն ի ս յ ա ն. Նյութեր պատմական բառարանագրության. Երևան, 2001, էջ 12:

⁸⁴ Հ. Հ ա կ ո բ յ ա ն. Մեհյանների կործանման և հայոց Դարձի պատմության որոշ մանրամասներ. Հայոց սրբերը և սրբավայրերը. ակունքները, տիպերը, պաշտամունքը. Երևան, 2001, էջ 156:

րականացրած բռնարարքները գիտակցաբար թե անգիտակից կերպով վերագրելու էին (և վերագրել են) Տրդատ III-ին:

4. Տրդատ III-ին նախորդած Սասանյան գահակալների չարագործություններն ու բռնարարքները նրան վերագրելու մեջ «մեղքի» բաժին ունի նաև ինքը՝ Տրդատ III-ը: Մեր պատմահոր ձեռքի տակ եղած արքայացանկից պարզվում է, որ Տրդատ III-ը, ամենայն հավանականությամբ, հայոց գահի վրա իրեն նախորդած Սասանյան արքայազունների հիշատակը պատմությունից էջերից ջնջելու նպատակով նրանց գահակալած տարիների մի մասը համարել է «ամս անիշխանութեան»⁸⁵, իսկ մյուս մասը՝ զրանցել իր հաշվին: Նա համարվել է թագավորած «ամս յիսուն եւ վեց»⁸⁶, այսինքն՝ 274–330 թթ., չնայած հայտնի է, որ 274–293 թթ. Հայաստանի գահին բազմած էր Սասանյան Ներսեսը: Որ դա իրոք այդպես է, երևում է հետևյալից: Տրդատի՝ ինքնացու բերած գահակալության առաջին տարին ճշտիվ համընկնում է Սասանյան Ներսեսի Հայաստանում դա՛ բարձրանալու տարվա հետ: Սասանյան արձանագրությունների հաղորդած տվյալներից հայտնի է, որ Որմիզդ-Արտաշիրը Հայաստանում թագավորել է մինչև 273 թ.⁸⁷: Նրան հաջորդել է որդին՝ Որմզդակը (ինքնացիական Շապուհը) որ այստեղ իշխել է «ցթագաւորելն Տրդատայ, ամ մի»⁸⁸, այսինքն՝ 273–274 թթ.: Ուրեմն, Որմզդակին հայոց գահի վրա փոխարինած Ներսեսի գահակալելու տարին լինում է 274-ը: Հետոնից հաշվարկով եւ Տրդատի գահակալման սկիզբն ընկնում է այդ նույն թվականին, որոհետև նրա գահակալության վերջին տարին 330 թ. է. 330–56–274: Արդյունքում Տրդատ III-ի հաշվին են գրանցվել ինչպես Ներսեսի գահակալած տարիները, այնպես էլ այն տարիներին «Հայոց մեծ թագավորի» ծավալած գործունեությունը՝ նրա ոճրագործություններն ու բռնարարքները ներառյալ:

Մեր պատմահորը ոչինչ հայտնի չէ Տրդատ III-ի կողմից Գրիգոր Լուսավորչին չարչարելու, նրան զնդան նետելու, Հռիփսիմեին և մյուս սրբուհիներին նահատակելու մասին: Նրան ոչինչ հայտնի չէ նաև Տրդատի և Գրիգոր Լուսավորչի ավերած հեթանոսական տաճարների մասին: Իր երկի II գրքի վերջին գլխում, ընդհակառակը, նա պարզորոշ նշում է, որ քրիստոնեությունը ևս Հայաստանում բռնություններ չէր տարածվել (այստեղ նա համամիտ է Սոզոմենոսի հետ): Միմյանց հետ համեմատելով հայոց Գարձի մեջ Գրիգոր Լուսավորչի և Տրդատի ունեցած վաստակները և առաջնությունը Գրիգոր Լուսավորչին տալով հանգերձ, Մովսես ինքնացին ավելացնում է. «Այլ գառաւելութիւն ասեմ աստ զթագաւորին. քանզի խորհելն յաղագս Աստուծոյ եւ ճգնազգեցիկն լինել զոյգ երկոցունց. իսկ նուաճել հաւանողական կամ բռնաւորական բանիւ առաւել էր թագաւորին շնորհ. քանզի ըստ հաւատոցն ոչ ինչ կասեցուցանէր զգործսն»⁸⁹:

85 Խ ո Ր Ե Ն ա ց ի, Բ, ՀԹ:

86 Ն ու յ ն տեղում, Ղբ:

87 В. Г. Л у к о н и н. Նշվ. աշխ., էջ 197.

88 Խ ո Ր Ե Ն ա ց ի, Բ, ՀԷ:

89 Ն ու յ ն տեղում, Ղ:

КТО БЫЛ МУЧИТЕЛЕМ ГРИГОРА ЛУСАВОРИЧА?
(Трдат Аршакуни или Нарсе Сасанян?)

SARGIS PETROSYAN

Р е з ю м е

По сообщению Мовсеса Хоренаци, епископ Кесарийский Фирмилиан описал, как в Армении многие из христиан приняли мученическую смерть от иноземных царей "до царствования Трдата, в годы безвластия" (Хоренаци, II, 75). Впоследствии, считая сасанидских царей Армении узурпаторами, аршакид Трдат III (298 – 330 гг.) старался уничтожить память о них, в особенности память о своем предшественнике – сасаниде Нарсе. По Хоренаци (II, 92), Трдат царствовал 56 лет, т.е. в 274 – 330 гг. Но известно, что с 274 г. до 293 г. в Великой Армении правил "великий царь армян" Нарсе. Это обстоятельство стало одной из причин того, чтобы спустя 100 – 150 лет приписать язычнику Трдату также и преступные деяния Нарсе. По Агатангехосу, в начале своего правления Трдат приказал заточить в темнице города Арташата известного проповедника Григора и предать мученической смерти дев Рипсимеанц. За это наказанный Богом царь был превращен в кабана. Когда по его приказу освободили святого, тогда и с царя спало звериное обличье. Надо заметить, что первоначально фольклорно-литературный образ Трдата никакого отношения не мог иметь к легенде о царе-кабане. Известно, что на сасанидских монетах портрет наследника обычно представлен в короне-кулахе, увенчанной головой какого-либо животного, в том числе кабана. Вероятно, кабагаголовые короны-кулахи носили также сасанидские цари Армении. В таком случае напрасно с именем Трдата связывают те скульптурные памятники Армении IV в., которые изображают кабагаголового царя. Историческим прототипом этого мифологического образа мог быть сасанид Нарсе – ярый зороастриец, мучитель святого Григора и дев Рипсимеанц.

WHO WAS THE TORMENTOR OF GRIGOR LUSAVORICH?
(Tiridat Arshakuni or Narseh Sassanid?)

SARGIS PETROSYAN

S u m m a r y

At the beginning of his reign Arshakid Tiridat III (298–330 A. D.), still being pagan, ordered famous preacher Grigor to be imprisoned in dungeon. The king was punished for it and turned into a boar, as recorded by historian Agatangeghos. When the king ordered to release Grigor the Christian from prison, the boar face dropped from him. Folklore-literature image of Tiridat couldn't have been originally connected with the legend about king-boar. The portrait of Prince Royal on Sassanid coin is represented in crown-kulah, decorated with the head of any animal, even the boar. The boar-head crown-kulahs were probably worn by Sassanid kings of Armenia as well. Thus it seems groundless to connect the name of King Tiridat with the boar-head king depicted in the historical monuments of Armenia dating from the 4th century. Historical prototype of this mythological image could evidently be considered Sassanid Narseh (274–293 A. D.), the predecessor of Tiridat III, an ardent zoroastrian and the tormentor of St. Grigor, Ripsimeh and her fellow martyrs.